

“СУВ” СҮЗИ БИЛАН БОГЛИҚ ФРАЗЕОЛОГИК БИРЛИКЛАРНИНГ НЕМИС, ЎЗБЕК ВА РУС ТИЛЛАРИДАГИ ТАҲЛИЛИ

Руфина Шароповна Бозорова
Бухоро давлат университети, ўқитувчи

АННОТАЦИЯ

Мазкур мақолада “Сув” сўзи билан боғлиқ фразеологик ибораларнинг немис, ўзбек ва рус тилларидағи таҳлили ўз ифодасини топган. Фразеологик бирликлар инсониятнинг маданий салоҳиятини: маданий муносабат, стереотиплар, стандартлар ва археотипларни қайд этади ва етказади, шу билан бирга миллат руҳи ва ўзига хослигини ифода этади. Фразеологик бирликларнинг ўзига хослиги турли тилларни таққослашда аниқ намоён бўлади.

Калит сўзлар. Фразеологик бирлик, эквивалент, стереотип, археотип, инсоният, субъектив, объектив, топоним, антропоним, гидроним.

АНАЛИЗ ФРАЗЕОЛОГИЧЕСКИХ ЕДИНИЦ СВЯЗАННЫХ СО СЛОВОМ “ВОДА” НА НЕМЕЦКОМ, УЗБЕКСКОМ И РУССКОМ ЯЗЫКАХ

Руфина Шароповна Бозорова
Бухарский государственный университет, учительница

АННОТАЦИЯ

В данной статье анализируются фразеологические выражения, связанные со словом “вода” в немецком, узбекском и русском языках. Фразеогизмы фиксируют и передают культурный потенциал человечества: культурные установки, стереотипы, стандарты и археотипы, а также выражают дух и самобытность нации. Уникальность фразеогизмов ярко проявляется при сопоставлении разных языков.

Ключевые слова. Фразеогизм, эквивалент, стереотип, археотип, человечество, субъективный, объективный, топоним, антропоним, гидроним.

КИРИШ

Фразеологик фонднинг миллий-маданий ўзига хослиги сўнгти пайтларда кўплаб тилшунослар учун анъанавий тадқиқот мавзусига айланди

(Э.М.Верещагин, В.Г.Костомаров, В.Н.Телиа, З.Д.Попова, И.А.Стернин, В.А.Маслова, С.Г.Минасова). Ушбу масалада эътиборнинг кучайиши “Тил ва маданият” муаммосига бўлган қизиқишининг умумий ўсиши билан боғлиқ бўлиб, у ўз навбатида ҳозирги кунда пайдо бўлаётган замонавий тилшуносликнинг янги антропологик парадигмаси доирасида ривожланиш учун янги туртки бўлди. Ушбу йўналиш доирасида тилнинг фразеологик тизимиға мурожаат қилиш табиий ва зарурий жараёндир. Фразеологик бирликлар инсониятнинг маданий салоҳиятини:маданий муносабат, стереотиплар, стандартлар ва археотипларни қайд этади ва етказади, шу билан миллат рухи ва ўзига хослигини ифода этади. Фразеологик бирликларнинг ўзига хослиги турли тилларни таққослашда энг аниқ намоён бўлади. У иккита омил билан шартланган – объектив ва субъектив. Объектив омил маълум бир миллат ҳаётига хос бўлган ва бошқа бировнинг ҳаётида мавжуд бўлмаган табиий ва маданий ҳақиқатларда намоён бўлади. Субъектив омил мустақил танланган бўлиб, бир хил тушунчани берувчи сўзлар турли тиллардаги фразеологизмларда турлича акс эттирилган. [2]

АДАБИЁТЛАР ТАҲЛИЛИ

Киёсий жиҳатдан олиб борилган тадқиқотлар икки ёки ундан ортиқ тилларнинг фразеологик бирикмаларидағи фразеологик эквивалентлар ва эквивалент бўлмаган фразеологик бирликларни аниқлашга қаратилган. Мақоламиз доирасида таҳлил турли хил гуруҳларга мансуб немис, ўзбек ва рус тилларининг фразеологик фондлари бўйича олиб борилади; уларнинг миллий ва маданий ўзига хослиги “Сув” семантик майдонининг таркибий қисмлари билан фразеологик бирликлар мисолида амалга оширилади. Сув ҳар доим одамлар учун рамзий ҳисобланган. Сувнинг рамзий маъноси чукур ўлчовга эга: бир томондан, у поклаш функциясига эга, ҳаёт манбаи, бошқа томондан қўркувни уйғотадиган, бошқариб бўлмайдиган оғат бўлиб, бу албатта тилда акс этади. [5]

Тадқиқотимизга кўра, “Сув” семантик майдони таркибий қисмларини ўз ичига олган фразеологик бирликларнинг ярмига яқини тўлиқ ёки қисман эквивалентлардир, яъни бирликлар нафақат бир хил семантикада, балки таркибий ва грамматик тузилиши жиҳатидан жуда яқин. Ўхшашликнинг сабабларидан бири фразеологик бирликларнинг табиатида бўлиб, унда бир қатор универсал ҳодисалар кузатилади.

Нем.“Brot und Wasser”; ўзб.“Бир бурда нонга зор” рус. “сидеть на хлебе и воде”. Ушбу иборадан гап ўта камбағал оила ёки инсонлар ҳақида бораётганлигини англашимиз мумкин. [3] Дарҳақиқат, турлича маданиятга, турмуш тарзига эга давлатларда нон асосий озиқ-овқат, сув эса арzon ва энг

қулай ичимлиқдир, шунинг учун улар биз ўрганган халқлар онгида мутлақ қашшоқлик ва очлик рамзи ҳисобланади. Тиллараро фразеологик эквивалентликда фразеологик бирликнинг асосини ташкил этувчи метафора ва метонимик тушуниш механизмларининг универсаллиги муҳим рол ўйнайди. Масалан, учта тилда сув оқими teng равищда “хаёт” сифатида қабул қилинади ва оқим билан ёки унга қарши ҳаракат бўйсуниш ёки унга қарама-қаршилик сифатида қабул қилинади. Изланишлар натижасида шахснинг худбинлиги бир хил образларда таҳлил қилинган учта тилнинг фразеологик бирликларида намоён бўлиши кузатилади. Масалан: нем. *Bis dahin läuft noch viel Wasser den Berg hinunter*; ўзб. *Орадан кўп йиллар ўтди.* “Қанча сувлар оқиб кетди”; рус. *много воды утекло;* - кўп йиллар ўтгани ва кўп нарсалар ўзгарганини англатади. Бироқ стереотиплар турли тилларда бир хил бўлмаслиги мумкин. Масалан, ўзбек тилида бу бирликлар фразеологик бирликларга ҳам мос келади: “қанча шамоллар эси”, бу вакт шамол тасвири билан боғлиқ.

Агар немис ва ўзбек тилларининг фразеологик бирликлари-тиллараро эквивалентлари кўпинча маъно, коннотация, таркибий-грамматик тузилишнинг маъно-мазмунли макрокомпонентлари билан мос тушадиган бўлса, унда ўзбек фразеологик бирликлари деярли ҳар доим ўзларининг таркибий-грамматик тузилиши билан улардан фарқ қиласи. Бу хусусиятларнинг катта қисми фразеологик бирликларда сўзларнинг тартибига боғлиқдир, бу эса тил тизимининг ўзи билан боғлиқ. [4]

Биз кўриб чиқаётган фразеологик бирликларнинг структуравий ва грамматик тузилишидаги фарқ ўзбек ва немис тилида фраземали феъллар билан, рус тилида эса мукаммал ва номукаммал шакл: немис тили орқали бериладиган шаклларни ифодалаш учун қўшма феъллардан фойдаланиш билан тавсифланишига боғлиқ бўлиши ҳам мумкин. [5] Бу хусусиятларнинг катта қисми фразеологик бирликлардаги сўз тартибига тааллуқлидир, бу эса тил тизимининг ўзи билан боғлиқ. Масалан, *nem. jemandem das Wasser abgraben;* ўзб. тагига сув қўймоқ; чоҳ қазимоқ; рус. подкапываться под кого либо; рыть кому-либо яму;;

Сув ҳар доим ҳам инсон ҳаётида муҳим рол ўйнаган. Уни мақташди, хурмат қилишди, унга сифинишиди, у ҳақида афсоналар тарқатишиди. Шунинг учун ҳам қадим замонлардан бери жуда кўп фразеологик ибораларда “сув” сўзи ишлатилган. Агар бирор бир фразеологик бирликни ўзбек тилидан бошқа бирор бир тилга таржима қилсак, биз сўзларнинг уйғун бўлмаган бирикмасини олишимиз мумкин, аммо ушбу бирикмани бошқа тилда сўзлашувчи инсон тушуниши эҳтимолдан анча йироқ. Фақатгина ўзбек миллатига мансуб

кишининг бундай ибораларни ҳар кун ишлатиши, унинг маълумотлилиги, саводхонлиги ва нотиқлик қобилиятидан далолат беради.

Шу каби иборалардан бир нечтасини эслайлик:

Нем. „Ablaufen wie das Wasser am Entenflügel“ ўзб.“Сувдан қуруқ чиқмоқ”; рус. “как с гуся вода” [1]

Бу ибора ҳар қанча ёмонлик қилсада, вазиятдан осон чиқа олиш қобилиятига эга инсонларга нисбатан қўлланилади. Ушбу ибора ғозлар сувдан чиққанда уларнинг усти қуруқ ҳолатда бўлишига қиёсланган. Бундай ибора бирор бир ноқонуний ҳатти-харакат содир этганига қарамай, қоралашдан, ошкораликдан ва жазодан қочган шахсга нисбатан ишлатилади.

Нем. Wie ins Wasser fallen, ўзб.“Сувга тушган тош”, рус. “Как в воду кануть”- ушбу фразеологик ибора анча пайт кўринмай қолган кишига нисбатан ишлатилади. [1]

Нем. “Wie zwei Tropfen Wasser”; ўзб. “Икки томчи сувдек”; рус. “Как две капли воды” – бу ибора кимнингдир ёки ниманингдир бир-бирига ниҳоятда ўхшашлигини англатади. Масалан, эгизаклар икки томчи сувга ўхшайди. [1]

Нем. “Wie eine Katze im Wasser”; ўзб. “Сувга тушган мушукдай”; рус. “Ходить как в воду опущенный” – кайфияти йўқ одамга нисбатан ишлатилади. [1]

ТАҲЛИЛ ВА НАТИЖАЛАР

Фразеологизмлар барча тилларда қизиқарли, чунки уларни сўзма-сўз таржима қилиш ва тушуниш имконсиз. Фразеологик бирикмалар тилни жонлантиради, уларни ривожлантириш қийин бўлса ҳам, улар жилолангандан тилда алоҳида ўрин эгаллайди. Кўпинча улар мамлакат маданияти ва тарихи билан боғлиқ.

Бундай қизиқарли мисолларни кўплаб келтириш мумкин. Берилган тилларапо фразеологик эквивалентларнинг таркибидаги фарқни изоҳлаб бўлмайди. Бу, эҳтимол, халқнинг менталитети, дунёнинг лингвистик тасвири, у ҳақиқат обьектлари ва ҳодисалари ўртасида ўрнатиладиган алоқалар ва уюшмалар билан боғлиқ. Шуни ёдда тутиш керакки, рус ва ўзбек тилларида ўхшаф фразеологик бирликлар жуда кўп бўлиб, бу руслар ва ўзбекларнинг узоқ йиллик яқин алоқалари билан боғлиқ, шунингдек узоқ ўтмишда фразеологик тилларнинг ўзлаштирилишига сабаб бўлган. Рус тилидан ўзбек тилига фразеологик бирликларни излаш орқали ҳар иккала тилда ҳам маъно жиҳатдан ўхшаф фразеологизмлар мавжуд эканлигини гувоҳи бўламиз. Масалан: Рус. *выходить сухим из воды*; ўзб: *сувдан қуруқ чиқмоқ*. как воды в рот набрал. [1]

Арсеневанинг фикрича, фразеологик бирликларнинг миллий-маданий ўзига хослиги З даражада бўлади. [2]

1. Жамланган фразеологик маъно. Бунда бошқа тилда эквиваленти бўлмаганфразеологизмларни бир тилдан бошқасига ўтиришда лексик, тавсифловчи ёки сўзма-сўз таржима қилиш усуллари ёрдамида лексик бирликлар ёки сўз бирикмалари орқали фразеологик бирликтинг маъноси берилади.

2. Фразеологик бирлик таркибида маълум бир ҳалқ учун ҳар қандай воқеъликни белгиловчи аниқ сўзларнинг мавжудлиги, фақат бир ёки бир неча ҳалқларнинг ўзига хос бўлган топоним, антропоним ва гидронимларнинг қўлланилиши.

3. Кўчма маънода қайта ўйлаб топилган эркин иборанинг бевосита маъносига (яъни ҳалқ тарихи, ўзига хос анъаналари, урф-одатлари, характерини ифодаловчи фразеологик бирликлар прототиплари). [2]

Буюк немис тилшуноси Вилхелм фон Ҳумболд ёзганидек: “Ҳар қандай таржима менга ечиб бўлмайдиган масалани ҳал қилишда тўлиқ уринишдай туюлади. Шунга кўра ҳар бир таржимон ўз она тилининг жозибаси ҳисобига оригиналнинг маъносини бойитиши ёки оригинал ҳисобига ўз она тилининг ўзига хослигини сақлаб қолиши керак”. Унинг қарашларини кўп олимлар илгари суради. Уларнинг хуросалари бўйича биз эквивалент деб ҳисоблайдиган сўз аслида турли тил вакилларида турлича таассурот ўйғотади. Масалан, ҳар бир тилда “уй”, “хонадон” маъносини берувчи сўз бор. Аммо унинг ташки кўриниши ва ички жиҳозланиши немис, ўзбек, ёки русларда бутунлай фарқ қиласди.[1]

Биз таҳлил қилган “сув” сўзи билан боғлиқ ибораларнинг баъзилари ҳам бир ёки бошқа тилга айнан таржима қилинса, бошқа ҳолатларда уни ўрнига бошқа сўздан фойдаланилган. (“Brot und Wasser” (Тарж. “Сув ва нон”); ўзб.“Бир бурда нонга зор”). Бу ҳолат маълум тилда сўзлашувчи миллатнинг менталитетига боғлиқ бўлиши мумкин.

ХУЛОСА

Таҳлиллар шуни қўрсатдиги, “Сув” семантик соҳаси таркибига кирувчи фразеологик бирликлар немис, ўзбек ва рус тилларида талаффуз қилинадиган миллий ўзига хосликнинг лингвистик аҳамиятга эга қатламини ифодалайди. Фразеологик бирликларни ўрганиш тўхтамайди, чунки тилда доимо янги фразеологик бирликлар пайдо бўлади. Фразеологик бирликларни бошқа тилда тўғри таржима қилиш масаласи эса доимгидай қолади. Бу эса ушбу соҳадаги изланишлар давом этади демакдир.

АДАБИЁТЛАР

1. Бозорова Р.Ш. “Таржима санъати ва унинг муаммолари” НамДУ илмий ахборотномаси 2019 йил 5-сон.
2. Николенко Л.В. 2005. Современный русский язык: теория анализ языковых единиц в двух частях. Москва: Академия.
3. Бозорова Р.Ш. «О немецкой обиходной речи». НамДУ илмий ахборотномаси 2019 йил 3-сон.
4. Ҳаётова Д.З. National-cultural linguoculturological Features of the concept of Heimat (homeland) In german and uzbek languages Bukhara state university Received 22 ndApril 2021, Accepted 25thApril 2021, Online 15 th May 2021 d.z.hayotova@buxdu.uz
5. Назарова Н.А. Study of anthroponyms and their places in the lexical system (In Web of Scientist:International Scientific Research Journal, Volume 3, Issue 1,pp.90-96) <https://wos.academiascience.org/index.php/wos/article/view/619>